

元始无量度人上品妙經卷之三十三

五方正氣品

道言昔於始青天中太明混沌上宮寶華靈闕無爲大慈廣生
玄妙虛清道境上千浮光元化混沌九微八關俯跨碧落太空
星輪景耀之精中有眞王號含運樞道力自然功位高玄中有
妙寶神山連延天內有五方天尊紫霄光明飛霞之闕官將百
萬民眾千億壽無窮期氣如長春雜萬花色以爲光明瑤海朱
髻綠斑之龍常御九眞玄玉之輅以奉玉帝此天五方正氣所
生五行之精順天常道不爲囚尅是謂眞一元氣萬物之宗爲
瑞爲寶非如陰陽交爭之氣生合離殺長育虧殘而無常也元
道藏輯要

度人妙經

聖

角集七
X上上

皇太慈化此眞境五方天尊閒居寶座吹噓正氣採嘯華根流
波遠蔭逮於天界天得正氣圓蓋不傾地得正氣海嶽平甯帝
得正氣道運太平人得正氣爲世賢良慕道求仙上輔正化無
所不眞元始天尊當說是經周迴十過先向五方召命五方天
尊東方九神太洞玉眞天尊南方三華上極丹光天尊西方五
明太眞金耀天尊北方一眞洞陰寶鏡天尊中央瓊華黃景微
妙天尊五方天尊敬奉玄旨泛駕黃輿丹靈之輦三素飛雲龍
鶴羽葆仙官執典天騶啟途來如迅風流鈴煥落雷火耀天十
方無極世界悉皆震動一切天人咸知元始召命五方道主願
聞眞一之氣無等上妙大法五方天尊稽首作禮元始垂眄俯

視以召十方始當詣座天真大神上聖高尊妙行真人無鞅數
眾乘空而來明耀流暉玉輿虹輪彩霧蔽空靈光靄華神煙密
羅寶雲疊霞風煙澄息和氣彌羅土化堅剛湛如金魄眾真侍
座

元始天尊玄坐空浮天闕雲山妙光瓊臺之上說經一遍諸天
大聖同時稱善是時一國男女初受真道靈慧虛通說經二遍
心契妙微永無湮沉說經三遍五方正氣灌育華根說經四遍
玄光流景映耀身形說經五遍赤書玉綱纏塞死關說經六遍
福被普天慶瑞咸臻說經七遍四氣調和萬物豐昌說經八遍
品彙生成保固無殃說經九遍邪精滅根魔害不行說經十遍
道藏輯要
度人妙經
聖
角集七
老復壯盛少者永延是時一國是男是女莫不傾心皆受護度
咸得長生

道言是時元始天尊說經一遍東方無極無量品蒼精正氣至
真大神無鞅之眾浮空而至說經二遍南方無極無量品丹精
正氣至真大神無鞅之眾浮空而至說經三遍西方無極無量
品晶精正氣至真大神無鞅之眾浮空而至說經四遍北方無
極無量品紫精正氣至真大神無鞅之眾浮空而至說經五遍
東北無極無量品鎮精正氣至真大神無鞅之眾浮空而至說
經六遍東南無極無量品炎精正氣至真大神無鞅之眾浮空
而至說經七遍西南無極無量品華精正氣至真大神無鞅之

眾淨空而至說經八遍西北無極無量品玄精正氣至真大神
無缺之眾淨空而至說經九遍上方無極無量品虛精正氣至
真大神無缺之眾淨空而至說經十遍下方無極無量品幽精
正氣至真大神無缺之眾淨空而至十遍周竟十方無極天真
大神一時同至一國男女凝瞻元始與五方天尊妙極玄微見
大神變九色光明遍照十方世界一切國土卽各相謂共目攜
率齋持妙香珍寶奇花天衣旛蓋自十方來舉此種種珍奇妙
供陳於天尊座前徘徊宛轉化成寶蓋百億珠玉百億結綬百
億繒綵百億紋繡百億神奇百億光景遍於諸天所有世界如
是男官女眾咸皆敬禮仰聽元始天尊宣揚靈寶大法無量度

道藏輯要

度人妙經

畧

角集七

×××

人五方正氣之道瞻望聖顏一心歸依爾時五方天尊五老上
帝侍立元始天尊法座之側元始天尊舉身正衣良久復坐於
是紫金神光從面門出此光暉耀與諸光明如相經緯縱橫微
妙萬種華炫一一天人不由心目外見天尊安如寶山內見已
身三一九宮諸境玄府光氣無極自下徹上自上徹下從東達
西從西達東交射灌激聖變神化難可比倫元始告大眾曰今
當度人說五方正氣護生萬有之法得吾正氣皆證妙道爲諸
天仙真十方之聖利益世界演說大法使諸天眾生聞道蘊奧
五方天尊環繞寶座各放大光暉耀世界猶如千日照徹諸天
九萬億土天人宮殿帝王臺觀與光所照森然俱見無有隔礙

是時諸天各於光中顯示正氣大道自然凝化相狀近可指矚
又於光中各有玉書五篇真文炳煥張布屈曲飛動鎮召禳制
普天安甯東方正氣晨光九羅素景徘徊碧壘鬱霞南方正氣
紫雲沓煙朱丹三精生化億千西方正氣明石太素光芒凝化
非煙非霧北方正氣玄闕飛精雙皇太微包羅玉清中央正氣
上玄寶洞妙變盤結化成龍鳳五方正氣無量形相懸在太虛
之中各飛瑞光灌元始耀明火玉如意之上迺灑盤帀五色混
成大如朗日通含五方所見物象元始登引五方天尊天真大
神上聖高尊妙行真人十方無極至真大神無缺之眾俱入五
色混成圓光之內說經都竟眾真監度以授於我當此之時喜

道藏輯要

度人妙經

聖

角集七

卷之三

慶難言法事粗悉諸天復位條欵之間寂無遺響是時天人遇
值經法各受正氣道心開悟見生化門知道宗祖普得濟度全
其本年年極數窮升入太空脫離生死與正氣俱存示身千億
變化空常靜而爲虛動而爲形普應十方道同列聖識心如幻
無作無爲普濟萬生永斷輪轉有形安泰愛利但忘正氣入身
與化冥一離諸疑網習染解脫飛形太虛爲天種民言無華綺
口無惡聲齊同慈愛異骨成親國安民豐欣樂太平經始出教
一國以道預有至心宗奉禮敬皆得度世

道言元始天尊說經中所言並是諸天至尊五方正氣內名隱
韻之音亦是三寶皇君丈人內諱百靈之隱名也非世之常辭

上聖已成真人通玄究微能悉其章誦之十過召致五方正眞之神化鍊結節靈感胎眞東方正氣爲英明文華清淨儀矩高賢仁恕仙眞之應於物爲寶玉瑰奇珍禽瑞獸希世之祥南方正氣爲明慧禮制辯哲爽越命令布政輔弼尊神之應於物爲丹華工麗豔妍色騰經畫之事西方正氣爲義決剛剛堅正果敢介守敕法大神尊官之應於物爲介甲金石牢革牙角防鈴兵刑之象北方正氣爲敏瞻智數機謀變通玄化爲眞母后太一隱靈之應於物爲修蛇玄黠委曲怪異伏藏鬼神之符中央正氣爲尊德祕道寬厚博容廣大碩學輔化帝王君主崇高神聖之應於物爲冲融柔順坎下盈滿遠隆甘和之驗遇正氣者

道藏輯要

度人妙經

巽

角集七

又文川

上爲帝仙中爲宰牧下爲賢德爲長生爲吉祥爲福慶故誦詠此經諸天齊唱萬帝設禮正氣來集淵澄嶽靜日月合照璇璣厯天魔喪喪壞屍骨還生至學之士誦之十過則五帝侍衛三界稽首正氣臨斗鬼祇滅形濟度垂死絕而得生所以爾者學士思神致眞坐招正氣生命遇之則貴極仙眞召制十方與天爲一五氣齊靈中粹發華福德白生輕誦此經身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人無量爲萬道之宗巍巍大範德難可勝道言凡誦是經十過五方眞氣齊到以之治身則仙化長生使丹靈氣備以之生物則堅大瑞美煥偉靈異以之治人則明譽

公端凜然超舉以之通鬼神則億曾萬祖幽魂苦爽皆卽受度
上升朱宮正氣所挺五方同真格皆九年受化更生得爲貴人
而好學至經功滿德就皆得神仙飛昇金闕遊宴玉京也上學
之士修誦是經五方正氣入身愚變爲智俗化爲賢賢則得道
道成而仙爲聖爲神氣之正也爲祿爲孽氣之邪也皆卽受度
飛升南宮世人受誦五方天尊正氣之光照其真形則延壽長
年後皆得作尸解之道魂神暫滅不經地獄卽得返形遊行太
空此經微妙普度無窮一切天人莫不受慶無量之福生死蒙
惠上天所寶不傳下世至士齋金寶效心盟天而傳輕泄漏慢
殃及九祖長役鬼官侍經五帝玉童玉女各二十四人營衛神
道藏輯要

度人妙經

畢

角集七
X 111

文保護受經者身

道言正月長齋誦詠是經五方天尊登玉寶青華之闕布行五
方正氣治化三界爲上世亡魂斷地逮役度上南宮七月長齋
誦詠是經五方天尊登朱陵丹華之闕布行五方正氣治化三
界身得神仙諸天書名黃籙白簡削死上生十月長齋誦詠是
經五方天尊登紫雲瓊圖玄真之闕布行五方正氣治化三界
爲國王帝王安鎮國祚保天長存世世不絕常爲人君安鎮其
方民稱太平八節之日誦詠是經五方正氣周回八方還朝帝
一化生萬靈得爲九宮真人本命之日誦詠是經五老上帝下
鎮五臟五方天尊口吐正氣入兆命宮絳府泥丸眞道自然魂

神澄正萬炁長存不經苦惱身有光明三界侍衛五帝司迎萬
神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外菁冥五方真氣繞絡身形光明洞燿有青
龍白虎朱雀玄武獅子白鶴羅列左右日月照明洞煥室內
頂生圓象光映十方如此分明密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經無量度人願所啟上徹徑御

道藏輯要

度人妙經

哭

角集七
川八上三

無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章五方正氣十迴度人諸天隱韻離合自然
玄漠無垠妙氣生根杳如紫煙分爲三華玉清離便大有纏羅
升過玄門盤結浮沈天元正道化爲玄京陰抱至陽陽合其真
陰陽會化玄生其神神化爲氣氣化爲靈化無體狀至用圓成
發生之氣高祕黃庭神池絳淵色凝嬰丹旋轉浮遊上下無方
黃老潛養道體居常東青西素南赤北玄中有寶皇正氣自然
五方之神神運綿綿巡環周流雷動雲奔五帝授符五老合魂
天光無象太朴混沌英芒晃耀靈液其滂物得之生鬼得之靈
神得之明人得之仙天得之清地得之甯上分三界下列九泉

道藏輯要

度人妙經

咒

角集七

卷上三

風動虛清變化行天希夷正氣皇道開宣肇自天真幽微之君
玉冠錦襪碧鳳飛裙乘駕九龍役御千官布行正氣運植五方
沖氣所鍾爲仙爲靈時爲尊賢用宏紀綱以之授形爲物之英
悉感正氣變化神眞至眞無形大象流精眇眇劫仞若亡若存
琨琛麗房琪藹妙庭紫戶玄關森羅淨靈五量正氣周回十方
中有太上三素之君中有上聖清母之神中有太微玉帝之尊
中有胎元帝一之君中有道德五方丈人中有主錄主籍主生
主化主變玄道尊神迴氣儲正無量度人今日校錄諸天臨軒
東方無極飛天正氣神王長生大聖無量度人
南方無極飛天正氣神王長生大聖無量度人

西方無極飛天正氣神王長生大聖無量度人
北方無極飛天正氣神王長生大聖無量度人
東北無極飛天正氣神王長生大聖無量度人
東南無極飛天正氣神王長生大聖無量度人
西南無極飛天正氣神王長生大聖無量度人
西北無極飛天正氣神王長生大聖無量度人
上方無極飛天正氣神王長生大聖無量度人
下方無極飛天正氣神王長生大聖無量度人

十方至真飛天正氣神王長生度世無量大神並乘化真九光
丹輪之輿炎飆紫霞神虛之輦彤彩耀光百神之蓋五精天德

道藏輯要

度人妙經

辛

角集七
×××

大力之幢驂駕朱蚪玉龍建萬天十華之節洞神招真之幡神
獸夔龍悲鳴躑躅青鳳紫鸞翔騰飛翥前詠八素九陽之歌後
吹六籥虛生之曲神虎鏤天奔躍辟邪五老啟塗羣仙翼轅億
乘萬騎浮空而來傾光回駕正氣度生中皇內弼元斗右宮紫
垣太極妙通大神攝氣監真合會高玄徘徊升降周歷虛圓敷
告八冥幽微之關上極玉羅太空靈尊下該九壘洞淵之源運
道正氣鍊化神仙五方大神玉司之官施生布養法道而行變
凡人聖易骨超騰恍惚通感大混帝門北都寒池部衛形魂氣
聚神生命出自然挺植正氣度品南宮死魂受鍊仙化成人
身受度劫劫長存隨劫輪轉與天齊年永度三塗五苦八難超

凌三界逍遙上清上清之天天帝妙和無色之境梵行
此爲五方正氣之天從角宿一度一杪半起經五星之分流
演同法正行黃道不犯傍綱上稟皇極專行正氣四方各有
二天配屬中央土位土無正形各居四方同會於正五方施
化爲造物之主得其正氣決爲高眞

東方八天

定都越炁天

帝辟除正虛

輅宜脩皇天

帝伯上騎東

梁无書元天

帝覺披言鐫

抑麗古常天

帝蹈寂樞楊

道藏輯要

度人妙經

至

角集七
11816

啍岐森著天

帝查无運沖

九奇蒼丘天

帝律允師期

彌皇教宗天

帝彊畢伺孕

皓冥都源天

帝眞抱隸昌

南方八天

耀機鄙瑤天

帝球提振生

炎明升微天

帝祖正宣先

颯麗正神天

帝紐澄珎

洞冲環降天

帝拯溥施隆

萌華鏡羽天

帝辯帝茶延

路瑾蕭宮天

帝嶽樞兆玄

理禁宗明天

帝護巴冥离

角應巽靈天

帝都夷昇優

西方八天

信真瓊都天

帝謁普順康

周渝韓薦天

帝蕩浮南

杜極太元天

帝醜陰雲潭

不驕耀評天

帝弦樞烈微

躔飛騫余天

帝躍羅兵祈

樂靜雲贊天

帝杜圖阿容

道藏輯要

度人妙經

卷三

角集七

正玄邈夷天

帝辨克甦駢

西騫盈虛天

帝尙備密通

北方八天

曇迷阮靈天

帝皞孫隅方

昭峻令琚天

帝嶽沅李渦

度明極皇天

帝波記薰惠

玉宸和化天

帝柏庚變呈

偃利蕪鋒天

帝露真譯符

伫宛仙殊天

帝召靈啓明

元渚陽玉天

帝龍膺庠汪

仙度沉精天

帝秘眇玄英

三十二天三十二帝諸大隱諱諸天隱名天中空洞自然靈章
諸天隱韻諸天之音諸天之尊諸天魔神諸天大魔諸天之靈
九和十合變化上清無量之奧深不可詳敷落神真普度天人
今日欣慶受度歷關諸天五方天尊施行正氣轉物之精使合
道真不爲錯沴與道俱貞遇之則吉失之沈淪五帝衛生普度
天人五苦斬絕無拘天門東斗執節西斗捧符北斗宣令南斗
定書中斗大魁開天立圖青帝輔德白帝司志黑帝守神赤帝
行意黃帝統天攝錄正氣青天正神玉陽真伯赤天正神動化
感格白天正神金德司殺黑天正神伏姦破敵黃天正神中御
道藏輯要

度人妙經

三

角集七
八十八

無極五方正神萬靈之宗飛行鼓從總領仙兵麾幢鼓節遊觀
太空威光赫奕諸天齊功上天度人變化太清玄樞虛通神輪
不傾感生冲氣永滅祇凶攝命帝官乘建交衝世被福祥莫有
不從敢容干犯拒抗列真風刀前戮丹火後焚五方正氣化骨
爲仙挹鍊革易萬景流行候順自然九轉回真五色結融洞陽
道成普告無窮萬神咸聽三界五帝列言上清

杳杳變化混合冥冥運轉天陽大象交并神源所肇耀景相依
神氣無形天地玄機太一含元化生真精谷虛而應道空而明
命魔校符動極太凝正氣之狀和契平甯動則聖真靜則圓成
天地告瑞六氣昭融虛妙停養水火形容金光廓落元象之中

五方植建正氣自然貸以元始皇道乃宣元和包絡下立風淵
天上天下無幽無冥無形無影無極無窮鴻濛上範溟滓舒光
五色分形運度周天正因德興生以道全紫融化結雲宮五篇
赤書玉字鳳檢龍文召回正氣使天長存神化彌羅萬品施張
五精開演經歷諸天包纏景色周遍八維出陰入陽造立四時
三十二位仙鍊太微八景混合氣入玄暉玄暉五老元洞大神
命皇保帝同天永貞汎景碧霞嘯咏雲營流鈴七變豁落八威
仙王召氣靈音九回虛歌發響變化仙飛千和萬合正氣成真
真氣生神五方天尊長生大帝寶華靈君無英伯史司命回骸
太一景精桃康景延執符把籙保命玄根上遊上清出入黃庭
道藏輯要
度人妙經
星輪之內三道之中扶搖大闕民壽永隆世生良弼道運興崇
降灌人身泥丸元宮中理五炁混合百關十轉回靈萬氣齊仙
仙道貴生無量度人召爾正氣爲爾福源旁啟化門經天大輪
罪福禁戒宿命因緣普受開度正氣生身身得受生上聞諸天
諸天之上各有生門中有空玄生氣之章太上靈篇辭參高真
第一五方神王布行正氣斬伐邪源飛空之音

朱旗散霞

雲塗金馬

六洞鬼魔

隱伏泉下

出爲祲殄

干我正氣

勃亂時令

眞光蒙蔽

泊空縱姦邪

依地爲蠱魅

生民受其殃

乘災行疫癘

書

角集七
×××

玉書煥赤文

眞光洞天地

煌煌列玉篇

靈嶽安其位

五老鎮五天

攝凶送寒夜

扣鐘伐神鼓

清蕩諸醜類

萬方永安甯

仙眞常保衛

第二五方五老帝君之造正氣嚴莊三界之章

凝雲化玉

碧闕萬重

洞然金色

混合八風

亶樓蔚峨

翠巘高崇

朱輪碾月

虛唱冥沖

有物之黃

大道之王

轉白爲紫

寶華生香

瓊胞合氣

兩半陰陽

左攜玉佩

道藏輯要

度人妙經

垂

角集七

右帶金璫

五色沓沓

各奠一方

神以意行

道由德將

正氣流傳

變化無常

絳臺丹楯

琳室青房

中有帝一

龍衣虎章

萬物成眞體

三界居福鄉

仙眞普生植

大洞爲津梁

第三五方天尊分衛正氣空玄度命歌曰

我乘東霞

植此雲牙

南丹赤城

嘯攝火兵

玉臺西龜

氣如龍芝

玄老太一

散香繞日

黃神揚旛

命駕帝關

洞空凝碧

絳絃光直

海色不動

繁星厯厯

晨耀扶桑

萬寶其昌

正氣流傳

出入華房

中和太玄

紅露清霜

物象陶冶

九醜伏藏

我道惟明

金斗朱璫

此三界之上飛空之中眾真歌音音參洞章誦之百遍名度南宮誦之千遍五帝保迎萬遍道備飛升太空過度三界位登仙公有聞靈音魔王敬形敕制地祇侍衛送迎召攝正氣冥感天真五精扶衛所作者成魂魄制守飛騰玉清是謂無量普度無窮有祕上天文諸天共所崇泄慢墮地獄禍及七祖翁

道言此二章並是五方天尊及至靈神王隱祕之音皆是大梵

道藏輯要

度人妙經

五

角集七
XIII

之言非世上常辭言無韻麗曲無華宛故謂之奧難可尋詳上天所寶祕於神霄玉府東藏經室依科三萬七千年應運下傳若有至人齋金寶質心依舊格告盟十天然後而付焉

道言五方正氣稟生受之則爲福貴尊安澤逮久遠達其道五方之氣錯戾弛散不能致福成德則有運否滯閉三景虧盈休咎疾傷凡有此災同氣皆當齊心修齋六時行香十遍轉經福德立降消諸不祥無量之文普度無窮

道言五方之氣失正則於人爲運窮數盡變化終歿之證末學道淺仙品未充運應滅度身經太陰臨過之時同學至人爲其行香誦經十過以度屍形如法魂神徑上南宮隨其學功計日

而得更生轉輪不惑便得神仙

道言五方正氣從道爲胎生布五方以成萬法下挺於人物氣正則生福否則爲殃正者天中之真精道妙之自然違其正則天地運終星宿錯度日月失昏四時失度陰陽不調國境有災兵寇四起疫毒流行兆民死傷算窮命極皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人克得爲玉清神府之臣諸天記人功過毫分無失天中魔王亦保舉爾

道藏輯要

度人妙經

卷

角集七
川文

身得道者乃當洞明至言也

諸天中大梵隱語無量音 道君撰

元始靈書五方天尊正氣玉篇

東方八天

攬陀元聿

正忱巴林

檀田梵都

羣峴蕭深

錫延慮賞

明機嘯岑

刳羅筠婁

杜虬偃金

聚輿駟魯

挺奚漠琳

傅定太邱

泮句眇澄

玄茫捲逸

微氏涓璧

霞邈耀麗

典區乾泉

南方八天

龍遙方埤 月停頂真 仇多部寅

麓寡阮神 持清莎淨 願侔吉樊

爭至寶止 梵嬰象宮 元恢洒育

攝仙咎苦 刀濫大序 閻鮮曲舒

稼馥魔輪 涎那易坤 沙惡柏空

飛華散通

西方八天

亶無法疇 珍明綠玄 碧天雲滌

色開九仙 池冥瑛燮 辨史眸綿

道藏輯要

度人妙經

天

角集七

猷景莽栖 古毅邊桓 普首篤司

駕鮮圖眈 候繫谿達 玄略師陰

訖黎嵎爽 浮落觀霏 景慕由胙

魔墟救堅

北方八天

雄玄彼真 朔璿回靈 辰劫秀野

攬叫闔童 氣敷章急 琉荷卷伸

祖時享帝 漢濫鋤魂 浩億忌幽

圖柳慶基 運資泛適 日曰洪施

燕虎璫泥 行霧鈴離 嶽騫千羅

竭洙昧夷

道言此五方正氣合大梵之精風迴煙轉結成玉文丹筆五色
輝耀天關五氣之書上帝寶章招致靈妙乙密玄微赤書五篇
斯文副之舊文每字方廣一丈上清天真皇人上真道君執天
芒丸精之筆染丹紀於太微清都之館鳳臺南軒以爲正音使
五方氣行三界甯曠有知其音能齋而誦之者諸天皆遣飛天
神王下觀其身書其功勤簡奏神霄萬神朝禮地祇侍門大勳
魔王保舉上仙道備克得遊行三界升入金門此音無所不辟
無所不禳無所不度無所不成天真自然之音也故誦之致飛
天下觀上帝遙唱萬神朝禮三界侍軒羣祇束首鬼精自亡琳
琅振響十方肅清河海靜默山嶽吞煙萬靈振伏招集羣仙天
無氛穢地無祲塵冥慧洞清大量玄玄也

道藏輯要

度人妙經

堯

角集七
リナ